

openbank	Ro'yxatdan o'tkazildi
	Ro'yxat raqami: <u>I-111</u>
	Sana: "№ <u>22</u> " <u>oktabr</u> 20 <u>25</u> yil

“Open bank” aksiyadorlik jamiyati
Kuzatuv kengashining
2025-yil 21 - oktabr dagi
21-0/1 -sonli yig'ilish bayonnomasiga
24 -ilova

**«OPEN BANK» AKSIYADORLIK JAMIYATINING
EMISSIYA SIYOSATI**

Toshkent – 2025-yil.

Mazkur “Open bank” aksiyadorlik jamiyatining emissiya siyosati (keyingi o‘rinlarda Siyosat deb yuritiladi) O‘zbekiston Respublikasining “Banklar va bank faoliyati to‘g‘risida”gi, “Aksiyadorlik jamiyatlari va aksiyadorlarning huquqlarini himoya qilish to‘g‘risida”gi, “Qimmatli qog‘ozlar bozori to‘g‘risida”gi Qonunlari va amaldagi boshqa qonunchilik hujjatlariga hamda “Open bank” aksiyadorlik jamiyati Ustaviga muvofiq ishlab chiqilgan.

1-bob. Umumiy qoidalar

1. Mazkur Siyosat “Open bank” aksiyadorlik jamiyati (keyingi matnlarda Bank deb yuritiladi)ning qimmatli qog‘ozlar bozoridagi faoliyati masalalarini muvofiqlashtiradi.

2. Emissiya siyosati Bankning qimmatli qog‘ozlari muomalaga chiqarish orqali o‘z sarmoyasi va resurs bazasini kengaytirish, shuningdek Bank passivlarini diversifikatsiya qilish orqali o‘z likvidligini ta‘minlashga yo‘naltirilgan chora-tadbirlar majmui hisoblanadi.

3. Emissiya faoliyatini amalga oshirishdan asosiy maqsad qimmatli qog‘ozlarni muomalaga chiqarish orqali aholi hamda xo‘jalik yurituvchi subyektlarning bo‘sh pul mablag‘larini Bankka jalb qilish yo‘li bilan Bank kapitalini oshirish va resurs bazasini o‘stirish hamda passivlarini diversifikatsiyalash hisoblanadi.

4. Bank emissiya faoliyatining maqsadidan kelib chiqqan holda quyidagi emissiya strategiyalarini qo‘llashi mumkin:

qisqa yoki uzoq muddatli passivlarni shakllantirish maqsadida muomalaga qisqa yoki uzoq muddatli qimmatli qog‘ozlarni chiqarish;

aksiyalarni muomalaga chiqarish orqali o‘z ustav kapitalini ko‘paytirish.

5. Yuridik va jismoniy shaxslarning bo‘sh pul mablag‘larini qisqa va uzoq muddatlarga jalb qilish maqsadida Bank o‘rnatilgan tartibda qarz majburiyatlarini ifodalovchi qimmatli qog‘ozlarni muomalaga chiqarishi mumkin.

6. Qimmatli qog‘ozlarni muomalaga chiqarish bo‘yicha qaror qabul qilinishidan avval quyidagilar aniqlab olinadi:


qimmatli qog‘ozlarni muomalaga chiqarishdan asosiy maqsad;

qimmatli qog‘ozlarni muomalaga chiqarishdan kutilayotgan samaradorlik;

emissiya qilinayotgan qimmatli qog‘ozlar bozori, sarmoyadorlar va ularning investitsiya dasturlari, bozordagi mavjud talab hamda taklifni o‘rganilganligi yoki tahlil etilganligi;

emissiya qilinayotgan qimmatli qog‘ozlarning muomala davri hamda daromad stavkalarini bankning moliyalashtirish muddatlari hamda jalb qilingan resurslardan samarali foydalanish va Bank marjasini hisobga olgan holda belgilanganligi.

7. Muomalaga chiqarilayotgan har qanday qimmatli qog‘oz turi bo‘yicha emissiya dasturi puxta va konservativ asosda ishlab chiqilishi hamda unga nisbatan



mo'tadil siyosat qo'llanishi lozim.

2-bob. Bank tomonidan muomalaga chiqariladigan qimmatli qog'ozlarning turlari va shakllari

8. Bank amaldagi qonunchilikka muvofiq O'zbekiston Respublikasi hududida aksiya, obligatsiya va qonun hujjatlar bilan taqiqlanmagan boshqa turdagi qimmatli qog'ozlarni muomalaga chiqarishi mumkin.

9. Bank tomonidan muomalaga chiqariladigan qimmatli qog'ozlar blankalar tarzida hujjatli va elektron shakldagi hisobga olish registrlaridagi yozuvlar tarzida hujjatsiz bo'lishi mumkin.

10. Qimmatli qog'ozlarning chiqarilish shakli qonun hujjatlariga muvofiq qimmatli qog'ozlar chiqarish to'g'risidagi qarorda belgilanadi.

11. Aksiyalar, korporativ va infratuzilma obligatsiyalari, shuningdek depozitar tilxatlar hujjatsiz shaklda chiqariladi.

3-bob. Emissiyaviy qimmatli qog'ozlarni chiqarish qarori

12. Emissiyaviy qimmatli qog'ozlarni muomalaga chiqarish to'g'risidagi qarorda qonun hujjatlarida belgilangan ma'lumotlar ko'rsatilishi lozim.

13. Emissiyaviy qimmatli qog'ozlarni chiqarish to'g'risidagi qaror qonun hujjatlariga muvofiq Bankning vakolatli boshqaruv organi tomonidan tasdiqlanadi.

14. Obligatsiyalar chiqarish to'g'risidagi qarorda garov, bank kafolati yoki qonunda nazarda tutilgan boshqa usullar bilan ta'minlash nazarda tutilsa, bunday qarorda ta'minot bergan shaxs to'g'risidagi va ta'minot shartlari haqidagi ma'lumotlar ham ko'rsatilishi kerak. Bunda obligatsiyalar chiqarish to'g'risidagi bunday qaror ta'minot beruvchi shaxs tomonidan ham imzolanishi kerak.

15. Emissiyaviy qimmatli qog'ozlar chiqarish to'g'risidagi ro'yxatdan o'tkazilgan qarorga o'zgartish va qo'shimchalar kiritish, shuningdek mazkur qarorni o'z kuchini yo'qotgan deb topish qonunchilikda belgilangan tartibda amalga oshiriladi.


4-bob. Bank tomonidan chiqariladigan qimmatli qog'ozlarga qo'yiladigan talablar

16. Bank aksiyalarini chiqarilishiga qo'yiladigan talablar quyidagicha:

- aksiyalarning nominal qiymati bir xil bo'lishi;
- aksiyalar faqat pul mablag'laridan tarkib topishi;
- aksiyalarni kreditga, garovga olingan va boshqa jalb etilgan mablag'lardan foydalangan holda sotib olish taqiqlanishi;
- qonunchilikda belgilangan boshqa talablar.

17. Obligatsiyalar chiqarilishiga qo'yiladigan talablar quyidagicha:

- obligatsiyalar chiqarish to'g'risida qaror qabul qilingan sanadagi o'z kapitali miqdori doirasida bo'lishi (agar o'z kapitali miqdoridan oshsa, oshgan summa uchun ta'minot berilishi shart);
- so'nggi bir yilda rentabellik, to'lovga qobiliyatlilik, moliyaviy barqarorlik



openbank	Ro'yxatdan o'tkazildi
	Ro'yxat raqami: 2111
	Sana: "12" oktabr 2024 yil

va likvidlilikning ijobiy ko'rsatkichlariga ega bo'lishi;

- obligatsiyalar chiqarilishidan oldingi bir yil uchun moliyaviy hisobot bo'yicha auditorlik xulosasi mavjud bo'lishi;

- mustaqil reyting bahosi mavjudligi;

- majburiy tartibda anderrayterni (anderrayterlar guruhini) jalb etgan holda bo'lishi.

- qonunchilikda belgilangan boshqa talablar.

5-bob. Qimmatli qog'ozlarni joylashtirish

18. Bank tomonidan qimmatli qog'ozlarni mustaqil ravishda, shuningdek investitsiya vositachilari orqali joylashtirilishi mumkin.

19. Qimmatli qog'ozlar yopiq yoki ochiq obuna y'oli bilan joylashtiriladi.

20. Bank chiqarilayotgan emissiyaviy qimmatli qog'ozlarni joylashtirishni emissiyaviy qimmatli qog'ozlarning chiqarilishi davlat ro'yxatidan o'tkazilgan kundan e'tiboran bir yil ichida tugallashi shart.

21. Bank investitsiya vositachilariga emissiyaviy qimmatli qog'ozlar olinguniga qadar investorni qimmatli qog'ozlar chiqarish to'g'risidagi qaror, emissiya risolasi emissiyaviy qimmatli qog'ozlarni joylashtirish shartlari bilan tanishib chiqish imkoniyati bilan ta'minlaydi.

22. Depozit (omonat) sertifikatlarini joylashtirish va ularning muomalasi qimmatli qog'ozlar bozorini tartibga solish bo'yicha vakolatli davlat organi bilan kelishilgan holda Markaziy bank tomonidan belgilangan tartibda amalga oshiriladi.

6-bob. Qimmatli qog'ozlarni o'z vaqtida so'ndirilishi

23. Bank o'zining muomalaga chiqarilayotgan qimmatli qog'ozlari hamda ushbu masala yuzasidan vujudga keladigan barcha majburiyatlar yuzasidan o'rnatilgan tartibda javob beradi.

24. Emissiya qilingan hamda qarz majburiyatini ifodalovchi qimmatli qog'ozlar bo'yicha to'lanishi lozim bo'lgan daromad va qarzning asosiy summasi Bank tomonidan to'liq to'lab beriladi.


25. Emissiya qilingan qimmatli qog'ozlar bo'yicha Bank amaldagi qonunchilik hujjatlarida belgilangan tartibda tegishli zahira fondlarini shakllantirishi mumkin.

7-bob. Qimmatli qog'ozlar likvidligining ta'minlanishi

26. Bank tomonidan emissiya qilinadigan har qanday qimmatli qog'ozlarning likvidligi ta'minlanadi.

27. Emissiya qilinadigan qimmatli qog'ozlarning (aksiyadan tashqari) likvidlilik darajasini ta'minlash maqsadida qimmatli qog'ozning so'ndirish muddati yetib kelgunga qadar o'rnatilgan tartibda uni qaytib sotib olishi mumkin.

28. Qaytib sotib olingan va so'ndirish muddatlari yetib kelmagan qimmatli qog'ozlar (aksiyadan tashqari) Bank tomonidan ikkilamchi savdo amaliyoti orqali bozorda qayta joylashtirilishi mumkin.



openbank

Ro'yxatdan o'tkazildi

Ro'yxat raqami: 5-111

Sana: "№ 22" oktabr 2025 yil

29. Qimmatli qog'ozlarni muomalaga chiqarilishi munosabati bilan vujudga keladigan xavf-xatarlarning oldini olish maqsadida Bank ularni amaldagi qonunchilik hujjatlarida belgilangan tartibda sug'urta qilishi mumkin.

30. Qimmatli qog'oz bo'yicha real daromadlilik darajasi qimmatli qog'ozning jozibadorligi, bozor bahosining o'sishi hamda moliyaviy bozorning holatiga bog'liqlangan holda o'rnatiladi.


8-bob. Yakuniy qoidalar

31. Mazkur Siyosat talablariga rioya qilinmagan mas'ullar qonunchilik hujjatlarida belgilangan tartibda javobgarlikka tortiladi.

32. Mazkur Siyosatga kiritiladigan o'zgartirish va qo'shimchalar Bank Kuzatuv kengashi tomonidan tasdiqlanadi.

33. Mazkur Siyosat bilan tartibga solinmagan masalalar O'zbekiston Respublikasining amaldagi qonunchilik hujjatlarida belgilangan tartibda hal etiladi.

34. Ushbu Siyosatning alohida bandlari amaldagi qonunchilik hujjatlariga zid bo'lsa, ushbu bandlar o'z kuchini yo'qotadi va ushbu bandlarga o'zgartirish va qo'shimchalar kiritilgunga qadar O'zbekiston Respublikasining amaldagi qonunchilik hujjatlari normalariga amal qilinadi.



Two handwritten signatures in blue ink, located at the bottom left of the page.

A handwritten signature in blue ink, followed by the date "07.10.2024" written in blue ink.

YURIDIK XULOSA
(ichki qoidani huquqiy ekspertizadan o'tkazish to'g'risida)

Toshkent shahar

“ 07 ” 10 2025 yil

Ekspertiza o'tkazuvchi: “Open bank” aksiyadorlik jamiyatning (keyingi o'rinlarda “Bank” deb yuritiladi) Yuridik boshqarmasi.

Ekspertizadan o'tkazilgan me'yoriy hujjat nomi: “Open bank” aksiyadorlik jamiyatining emissiya siyosati (keyingi o'rinlarda “ichki qoida” deb yuritiladi).

Ekspertiza o'tkazishda foydalanilgan qonunchilik va me'yoriy hujjatlar: O'zbekiston Respublikasining “Aksiyadorlik jamiyatlari va aksiyadorlarning huquqlarini himoya qilish to'g'risida”gi, “Banklar va bank faoliyati to'g'risida”gi qonunlari, Markaziy bank tomonidan tijorat banklarining ichki qoidalariga qo'yiladigan talablar to'g'risida nizomi va boshqa amaldagi qonunchilik hujjatlari, hamda “Open bank” aksiyadorlik jamiyatning ustavi va boshqa ichki me'yoriy hujjatlar (keyingi o'rinlarda “qonunchilik va me'yoriy hujjatlar”).

Mazkur ichki qoida qonunchilik va me'yoriy hujjatlarga muvofiq ishlab chiqilgan bo'lib, Bankning qimmatli qog'ozlar bozoridagi faoliyati masalalarini muvofiqlashtiradi.

Ushbu ichki qoida ishlab chiqishda qonunchilik texnikasi qoidalariga rioya qilingan.

Mazkur ichki qoida, agar unda boshqa muddat ko'rsatilgan bo'lmasa, Bankning Kuzatuv kengashi tomonidan tasdiqlangan kunning ertasidan kuchga kiradi.

Ushbu ichki qoidaga o'zgartirish va qo'shimchalar Bankning Kuzatuv kengashining qarori asosida kiritiladi.

Markaziy bankning normativ-huquqiy hujjatlarida ishlab chiqilishi belgilangan ichki qoidalar, shuningdek ularga kiritiladigan o'zgartirish va qo'shimchalar tijorat banklari tomonidan tasdiqlangandan so'ng 15 (o'n besh) kun ichida Markaziy bankka taqdim etilishi kerak.

“Open bank” aksiyadorlik jamiyatning

Yuridik boshqarmasi boshlig'i

S.I. Salimov